



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 28/01/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministère fir Groussregioun & Gesondheet weiderzeleeden.**

Covid-Impf-Certificaten a Certificats de rétablissement, déi vun engem EU-Land ausgestellt goufen, ginn an der Regel och an aneren EU-Länner uerkannt. Ausname gëtt et allerdéngs, wa Länner vun den EU-Regelen oofwäichen an hiren Awunner z. B. e Certificat de rétablissement ausstellen op Basis vun engem positiven certifizéierte Schnelltest, esou wéi dat a Frankreich de Fall ass. Dës Certificaten ginn net iwwerall uerkannt - och net zu Lëtzebuerg, wou e PCR-Test muss virleien fir esou e Certificat.

Grad fir Frontalieren, déi tëscht Frankréich a Lëtzebuerg pendelen, kënnen dës Ënnerscheeder awer problematesch ginn, wa si mengen, si hätten e gëltege Pass, an hei am Land dann awer gesot kréien, si hätte kee gëltege Covid-Check an dirften dofir bspw. net op hier Aarbeschtplaz.

An deem Zesammenhang wéilt ech de Ministeren dës Froe stellen:

1. Ass der Ministesch bekannt, dass Frankräich Certificats de rétablissment ausstellt, déi hei zu Lëtzebuerg net uerkannt ginn?
2. Wat kann eng Persoun maachen, déi e franséische Certificat de rétablissement besëtzt op Basis vun engem Schnelltest a während hirer Covid-Infektioun kee PCR-Test gemaach huet, dee si am Nachhinein nach bei der Santé aschécke kéint? Kann dës Persoun een zu Lëtzebuerg gëltege Certificat kréien, oder besteet hei keng Méiglechkeet de franséisch Certificat uerkennen ze loossen?
3. Ass d'Regierung a Kontakt mat den Nopeschlänner fir eng Harmoniséierung vun de Passen/Ticketen/Certificaten an der Groussregioun unzestriewen?

Mat déiwem Respekt,



[www.piraten.lu](http://www.piraten.lu)

---



CLEMENT Sven

Député



[www.piraten.lu](http://www.piraten.lu)